



Broj SU-08-941-9/24

Sarajevo, 19. novembra 2024. godine

Na osnovu člana 64. stav (1) tačka (b) i člana 70. stav (1), (2) i (3) Zakona o javnim nabavkama („Službeni glasnik BiH“, broj 39/14, 59/22 i 50/24), Pravilnika o uvjetima i načinu korištenja e-aukcije („Službeni glasnik BiH“ br. 80/23) i člana 4. Odluke o stvaranju obaveza u Ustavnom sudu Bosne i Hercegovine, broj P-1132/17 od 20. decembra 2017. godine, predsjednica Ustavnog suda Bosne i Hercegovine, donosi

ODLUKU
o izboru najpovoljnijeg ponuđača

Član 1.

Ugovor za nabavku službenog motornog vozila za potrebe Ustavnog suda Bosne i Hercegovine, dodjeljuje se ponuđaču AC QUATTRO d.o.o. Sarajevo, ponuda broj 808/2024, za ponuđenu cijenu od 76.837,61 KM bez uračunatog PDV-a odnosno 89.900,00 KM sa uračunatim PDV-om, u skladu sa preporukom Komisije za izbor najpovoljnije ponude.

Član 2.

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, shodno članu 71. Zakona o javnim nabavkama.

Obrazloženje

Postupak predmetne nabavke pokrenut je Odlukom o pokretanju postupka broj SU-08-941/24 od 22. oktobra 2024. godine. Javna nabavka je provedena putem otvorenog postupka, a Obavještenje o nabavci i tenderska dokumentacija objavljeni na Portalu javnih nabavki 24. oktobra 2024. godine broj 514-1-1-133-3-38/24 te objavljeno obavještenje o nabavci u Službenom glasniku BiH, a rok za prijem ponuda istekao je 15. novembra 2024. godine. Komisija za javnu nabavku je blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- Da je ukupan broj pristiglih ponuda jedan (1);
- Da je blagovremeno zaprimljena jedna (1) ponuda;
- Da je broj prihvatljivih ponuda jedan (1);
- Da je broj neprihvatljivih ponuda nula (0);

Komisija za nabavku je nakon izvršenog pregleda prihvatljive ponude, predložila izbor AC QUATTRO d.o.o. Sarajevo, ponuda broj 808/2024, za ponuđenu cijenu od 76.837,61 KM bez uračunatog PDV-a odnosno 89.900,00 KM sa uračunatim PDV-om.

Ova odluka objavit će se na web stranici Suda www.ustavisud.ba istovremeno s upućivanjem ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema, na način definisan Zakonom o javnim nabavkama.

Žalitelj koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Dostaviti:

1. Ponuđaču: 1.-
2. Odjelu za finansijske poslove
3. Arhivi

